



ARUBA ANSE COURANT



Diario



pa Aruba



Instala Aireacon-
dicionado na bo
cas AWOR!



Tel. 2170

ANJA 22

DIA MARS 18 JULI 1961

No. 4089

Un sala jen di oyentes pa e exitoso Vindishi Musical di diasabra anochi

Parti financiero no a resulta asina grandi;
organizadornan ta contentisimo di f 1833.25

ORANJESTAD — Tabata e gran artista Mejicano, Tito Guizar, kende for di tempran a percursa pa e siguranza di un exitoso „Vindishi Musical” diasabra anochi den Centro Cultural na beneficio di e Stichting cu ta haci tur empenjo pa alcanza e suma pa construcion di bewaarschoolnan na Aruba. E pareha di baile for di Argentina Ines y Miguel tambe a laga mira algun di nan numeronan. Wilfred de Faria y e local Rufo Odor tabata otro di e artistanan cu a cosecha tremendo aplauso. Otro artista conoci cu a actua tabata Rudy Plaatje di Corsow.

Macera nos a b'sa caba tabata Tito Guizar, kende for di su subida riba escenario a percursa pa un berdadero deleite pa e publico. E entusiasmo cu el a pone tras di cada cancion y e manera cu cual e tabata dirigie na e publico tabata mas grandi cu cual e maestro di ceremonia Hubert Booi tabata encurasha e „Arubianonan” pa saca nan cara” y deposita nan contribucionnan.

E publico tabata k'e a tene Tito riba escenario pa su actuacion estupendo y na momento cu el a haba escenario atrobe pa bai cumpli cu su contrato den Hotel, el a hanja un ovacion cu no ta facil pa lubida.

E artistanan local luego a s'igi cu e programa, tocando y canando numeronan cu hopi di e presentenan den e sala y esnan na cas dilanti di radio tabata pidi. Tabatin hopi artistanan conoci y tambe algun nobo cu a demostra clase halto e anochi ey. Un di nan tabata sin duda e hoben cantante Arubano, Rufo Odor, kende, acompaña na piano na Padu del Caribe a ofrece un serie di cancionnan inolvidable.

Cifranan cu a ser traha di e suma cu a drenta na e diferente numeronan ta manera ta sigi:

Padu del Caribe na piano hunto cu Tally Loney y Rufo Odor a trece e suma di f 439.75; Rudy Plaatje di Corsow cu Los Cas'nos e suma di f 304. Las Campiranas, trio di damas a trece e suma di f 292.50; Rudy Plaatje di Corsow acompaña na Trio Los Aventureros e suma di f 189.50; e diferente otro artistanan y agrupacionnan musical a trece e suma di mas di f 600.—. E suma total di e anochi aki tabata di 1833.25. E publico den e sala a contribui cu f 260.00 despues cu ya nan a paga nan entrada pa mira e diferente artistanan.

E organizadornan a keda masha encantada cu e resultado obveni aki y ta desea na manda un gradicimento na tur e persona e instancianan cu a coopera cu e anochi aki.

Aki bau nos ta laga s'igi nomber di e artistanan y agrupacionnan musical cu a duna nan cooperacion na e exito di e „Vindishi Musical”:

Cuarteto los Caribe: Trio Los Aventureros; Padu del Caribe: Los Casinos; The Kreole Kats; Las Campiranas; Las Trepadoras; Taly Lopez; Trio Los Norteños; Trio Huasteca; Los Wois Wois; Rufo Odor; Duo Vireyes; Los

Elegantes; Los Deletantes; Los Jinetes; The Singing R's; Esther de Castro; Julia de Cuba; Los Tres Romanceiros; Mariachi Aruba.
Di Corsow: Rudy Plaatje.
Internacional: Tito Guizar di Mexico; Wilfred Defaria di Radio Caracas Television; Ines y Miguel di Argentina.



Tito Guizar, artista Mejicano cu diasabra anochi a percursa for di tempran pa un exito marcha di e „Vindishi Musical” den Centro Cultural. E Mejicano tabata sublime den tur su numeronan, pero e reaccion financiero pa su actuacion no tabata grandi.



E foto aki ta mustra algun di e damanan cu diasabra anochi durante di e Vindishi Musical tabatin e tarea basta duro di contesta telefoon di e oyentenan cu tabata kier a ende tal y tal artista.



Un otro di e artistanan local di e Vindishi di diasabra anochi tabata Rufo Odor, hoben cantante Arubano kende a sabi di posiciona su mes entre e artistanan sobresaliente di e anochi ey.